

ARUWEN LEGISLATURE-UN EWE MUUN CHUUK

2ND MWIICHENAP, 3RD MWIICH ATAPWANAPWAN, 1983 NAMOPUNG NO.: 2-102

EW NAMOPUNG

A awora ukukun \$10,987, seni ewe Monienapēn ewe Muun Chuuk ren fan asengessin monien ewe programmen SPRANS non Chuuk, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$10,987, ika fite ukukun epwe tongeni naaf, seni ewe Monienapen ewe Muun Chuuk ren fan asengessin monien och program mei kawor ngeni ewe Muun Chuuk itan Special Project Regional and National Services (SPRANS), fan itan pekin pioing non Chuuk, epwe iei usun nounoun:


- 1) Pekin Chon Angang -----\$3,908; me
- 2) Pwan Ekkoch ----- 7,079.


Tetten 2. Ei ukukun moni mei kawor non Tetten 1, epwe no-ngeni Kepina, ewe epwe wisen tumunu an ei moni epwe chok nounou ngeni metewe popun mei affat non Tetten 1, pwan fiti pungun ewe State Financial Management Act, iwe esap pwan wor nounoun ei moni epwe nap seni ei ukukun mei kawor. Nussun moni esemwo it ne nounou non June 30, 1984, epwe niwin sefan ngeni ewe Monienapen ewe Muun Chuuk.

Tetten 3. Ewe Kepina epwe awora an repot ngeni ewe Legislature me mwen January 15, 1984, epwe affatatiw:


- 1) Porausen nounoun ei moni mei kawor me ren Tetten 1, pwan fongon me ukukun nussun mei wor non January 1, 1984;
- 2) Napanapen nounoun ewe nussun moni mei wor non January 1, 1984 an epwe nounou non ewe nussun fiscal year, nge och sotosopun repot epwe pwan kawor ngeni ewe Legislature ika ew committee mei finita, nefinen 20 ran me murin soponoon ewe fiscal year, epwe affatatiw porausen ewe moni; pwan
- 3) Aukukun moni epwe kawor non fiscal year 1985 ren fan itan ewe programmen SPRANS.

Tetten 4. Ei Namopung epwe poputa pochokunan fansoun a kapung-uno me ren ewe Kepina, ika fansoun an a pusin winiti annuk won winika-pan.

Sain seni: 
Simeon Innocenti, Speaker
Truk State Legislature

Annetata: 
Datasi Albert
Legislative Chief Clerk
Truk State Legislature

Pwinin maram: June 15, 1984

A Kapunguno seni: 
Erhart Aten, Governor
Truk State Government

Pwinin maram: June 25, 1984